

N bel grup de porsones de desvalies ploanies é jüdes fora por chësta Carsëma n tru de preparaziun ala Pasca. Al é indô sté n'esperienza sota y sterscia, che á lascé sintí momënc de ligrëza. Podëi partí deboriada la fede y ne dé testimonianza, á arichí le daite de vignüna de nos. Rita y Sabine

„Na rōsa por la vita“: la Uniun dla troht de Badia vënn en chësta domënia – Festa de Pasca – do mëssa grana rōses por sostigni l'aziun dla Krebshilfe.

I jun a pe cun le KVV: ince chësc isté vëgnel metü a ji deplö gites saurides y plö avisa vigni secundo mercui, a mët man dal 23 de aurí, olache jarun fora por les beles campagnes de Tisens, sura Lana. I piun ia dales 07:30 da Pedraces. Por ciafé le program, infos y prenotaziuns, telefonede preibel a Iaco Clement 339 625 777 9.

Le **Comun de Badia** chir cumpëdausc por **les lites di 8 – 9 de jügn 2025**
Recuisic: avëi cumplí 18 agn y ester scric ite tles listes litalas dl Comun de Badia. Por informaziuns tolede sö contat cun l'ofize lital dl Comun de Badia: Tel. 0471/838232 Email: info@comune.badia.bz.it

Musical „N de a La Spona“ en mertesc ai 22 de aurí dales 19.30 tl salf manifestaziuns a La Val.


Le **pice liber de „Formaziun aisciöda-isté 2025“** ciaféise jodapé de dlijia.

Vangele dla proscima domënia – 2ª de Pasca

Jan 20, 19–31

La sëra dl pröm de dl'edema, canche i discepoi á dala tëma dan dai iüdes saré pro les portes, él gnü Gejü, é jü amesa ëi ite y ti á dit: Pesc a os! Do chëstes parores ti ál mostré sües mans y so costá. Dailó se ralegrá i discepoi da odëi le Signur. Gejü ti á ciamó n iade dit: Pesc a os! Sciöche le Pere m'á mené me, insciö ves mëni iö os. Do ch'al á albü dit chësc, ti ál fladé ados y ti á dit: Recioiede le Spirit Sant! A chi che os ti lascëis do i picia, ti esi lasciá do; y a chi che os ne ti lascëis nia do, ne ti esi nia lasciá do. Tomesc, nominé Didimus, un di dodesc, n'ë nia pro d'ëi, canche Gejü é gnü. I atri discepoi ti á spo dit: I un odü le Signur. Al ti á respognü: Sc'i ne vëighi nia les ferides di agüs te sües mans y sc'i ne pó nia mëte mi dëit tl büsc di agüs y mia man te so costá, ne crëi nia.

Otedé do é sü discepoi indô abinád adöm, y Tomesc é lapró. Dailó é gnü Gejü – les portes é stlütës pro – é jü amesa ëi ite y á dit: Pesc a os! Spo ál dit a Tomesc: Tëgn ca to dëit – chiló é mies mans! Tëgn ca túa man y mëtela te mi costá, y ne sté a ester descredënt, mo credënt! Tomesc ti á respognü: Mi Signur y mi Dî! Gejü ti á dit: Deache te m'as odü, crëieste. Beac é chi che ne vëiga nia y crëi impó. Ciamó tröc d'atri sëgns, che n'ë nia scric sö te chësc liber, él sté Gejü che á fat dan dai edli de sü discepoi. Mo chisc é gnüs scric sö ch'i cherdëise che Crist é le Messia, le Fi de Dî, y ch'i ëise, tres la fede, la vita te so inom.



Plata dla Ploania Badia

San Iaco - San Linert

Ploan: **Siur Iaco Wendelin Willeit**


Cell. **347 909 4532**

Calonia Badia: **0471/839571**

E-Mail: **parrocchiabadia@libero.it**

Radio dla Ploania: **91,10 Mhz**

UNITÉ PASTORALA



VAL BADIA

www.unitepastorala.org

Ann „C“

20.04. – 27.04.2025

Domënia de Pasca n. 21



Na bona y Santa Pasca

Le Signur é ressorí

Al é veramënter ressorí. Alleluia.

FUNZIUNS SACRES

20.04. FESTA de PASCA dl SIGNUR – Ann B

- 10.00 **Mëssa solena de Ressorenziun dl Signur** ciantada dal cor
Benedisciun dles spëises da Pasca
†ta Maria Alfreider Burchia – aniversar
†ti Ida y Sepl Tavella
†ti Peppe, Agnes y Tecla Pitscheider
†ti Paolo y Carlina Pitscheider
- 18.00 **Mëssa da sëra**
†ta Maria Tavella Dapunt – aniversar
†to Carlo Alfreider – aniversar
†to Giuseppe Daprè
†ti Franz y Lidia Pedratscher
†ta Emilia Granruaz Alfreider

21.04. LÜNESC de PASCA

- 10.00 **Mëssa por la Comunità**
†to Elias Dal Bosco – aniversar
†ti Sepl y Maria Frenademetz
†ti Tone y Sabina Campeï
†ti Edi y Fefa Adang

23.04. Mercui - S. Georg y Adalbert

- 07.25 †ta Anna Senoner Rudiferia– aniversar
†ti de Paola y Emma Costisella
†to Siegfried Winkler

25.04. Vëndres - S. Merch Evangelist

- 07.00 *Prozesciun te paisc y santa mëssa*
†to Rudl Valentini
†ta Lina Canins Valentini (*dala uniun ëles*)
vis y †ti Lerchegger

26.04. Sabeda – S. Cleto

- 16.00 Mëssa a Oies

27.04 2. DOMÈNIA de PASCA / FESTA dla CREJIMA

- Domènia Blancia y dla Misericordia**
- 10.00 **Dan calonia: salüt y ingres te dljia di crejimanc**
Mëssa cun aministraziun dl Sacramënt dla Crejima
†to Ilario Valentin y families
por fam. de Maria Valentin
†to siur Robert Miribung
- 15.00 *Ora de adoraziun*
- 18.00 **Mëssa da sëra**
†to Pire Valentini
†to Sandro Costa (*dala uniun ëi*)
†ta Brigitta Ploner Dapunt (*dala uniun ëles*)
por les families de Sandro y Emma Costa

Dala VITA dla CÜRA

FESTA dla CREJIMA en domènia, ai 27 de auri

I inviun ciamó n iade düta la comunità da acompagné nösc jogn cun l'oraziun perian na novena che ëise cialé tl'ultima plata o n'atra oraziun.

Zelebrazziuns dl Bato 2025 preodüdes a Badia

01 de jügn - 17 de agost -- 23 de novëmer dales 14:30
Prenotesse pro siur Degan al nr. 347 9094532

La proscima Preparaziun al Bato sará ai 3 de ma a La Plí. Por prenoté cherdede le nr. 334/3200396.

Legio Mariae: chësc grup se abina en jöbia, ai 24 de auri dales 14:00 te calonia. Düc é invia a gní a perié adüm.

Giulan di sorvisc che é stá fac tratan les festes y santus da Pasca.

*Ringraziamo don Andrea e don Gabriel per le belle
celebrazioni pasquali e buon ritorno a Roma.
Wir begrüßen auch den Seminaristen Oscar.*